

病臣於正月望時下去本月十三日還上來矣無約遊行及件記著名等事也○忠義衛李朋供曰年二十一臣非李朋乃李鵬也而未嘗與人約遊行矣但本月日不記盤松亭習射而已○鳳川守億從供曰年十九臣非鳳千守也乃鳳千副守也本居西小門外自去月望後於義洞外祖父趙環家入來至今仍留本不習弓未嘗與人約為遊行也○閑良尹四聘供曰年二十八臣居西小門外以武為業常與隣人閑良閔興許璫等習射未嘗與人約為遊行及著名件記等事也○閑良宣漢供曰年二十二臣本居全羅道寶城郡前年二月來到鄉校洞三寸叔趙琛家即日移接西小門外同生妹夫李昌貞家至今仍留但所傷手指不得習射未嘗與人約為遊行也○尹湯聘更供曰臣於本月十三日沒後為見妹夫訓練習讀徐苞行過柳世昌家前世昌招臣率入其斜廊房世昌兄弟及金末珍徐閏連先會臣及世昌兄弟徐閏連等各備酒肴共飲私婢金作只亦稱喉渴乞飲而來臣先醉卧閏連坐傍留宿夜二更閏連呼臣起之勸飲後各散他無所言所為之事孺直領裡件記小冊專不知出處○日微暈夜南方有氣如火○甲戌推官等詣經筵廳推鞠尹湯聘刑訊一次其招曰去二月十五日午時